

la
Epistolaris Com-
mercii

M. BERNEG-
GERI

Cum Viris Eruditione

Claris,

Fasciculus Secundus.



ARGENTORATI,

Sumptibus JOSIÆ STÆDELII.

M. DC. LXX.



la

Epistolaris Com-
mercii

M. BERNEG-
GERI

Cum Viris Eruditione
Claris,

Fasciculus Secundus.



ARGENTORATI,

Sumptibus JOSIÆ STÆDELII.

M. DC. LXX.



1a
Epistolaris Com-
mercii

M. BERNEG-
GERI

Cum Viris Eruditione
Claris,
Fasciculus Secundus.



ARGENTORATI,
Sumptibus JOSIÆ STÆDELII.

M. DC. LXX.



la
Epistolaris Com-
mercii

M. BERNEG-
GERI

Cum Viris Eruditione

Claris,

Fasciculus Secundus.



ARGENTORATI,

Sumptibus JOSIÆ STÆDELII.

M. DC. LXX.

S. BENEVOLE LECTOR,

Nuper Epistolaris Com-
 mercii M. Berneggeri cum Viris Literatis fasciculum primum, ad captandam de stomacho tuo coniecturā præmisi, nunc cum Te non fastidiosè nimis hoc scriptiōis genus aspernari videam, alterum hunc submitto. Vale
 Et de Tuis studiis etiam deinceps bene mereri percipientifave.

Editor.



BERNEGGERVS SAL-
MASIO.



IR maxime,
Salve plurimum
ab homine igno-
to quidem tibi :
sed qui jam ab ali-
quot annis alumnus doctrinæ
tuæ, te vel nescium appello quo-
tidie. Ac ne nunc quidem forte
sustinuissem aperire me tibi, nisi,
quemadmodum *Lingelshemius* a-
pud *Grotium*, ita Grotius apud
te conciliatorem, & quendam vel-

ut admissiōalem se mihi præstiffet. quo hortante, renitente licet pudore meo, tacitamque potius suadente reuerentiam, audeo sane nunc ad te literas, forsan deinceps etiam ausurus, operamque daturus enixissime, ne tibi pudendus aut poenitendus salutator videri queam; præcipuè si fauorem & gratiam tuam quomodocunq; promerendi occasionem ipse mihi dignatus fueris ostendere. Jam pridem scripsit ad me *Grotius* ὁ πᾶμμεγας esse tibi prope confectum Commentarium in Eliberinos canonas, quem certis de causis peregre ablegare constitueris edendum. Ea in editione apud nostros typographos procuranda si usui esse tibi poterit opella mea, lubentissimam diligentissimamq; præ-

præstiturum recipio. Rogatus sum ut in gratiam Academicæ nostræ Juuentutis, Flori nouam editionem adornarem, quod meditantî mihi, publici librorum indices ostenderunt, Notas tuas in illum authorem, jamdum anno 1605. à Comelino publicatas, quarum nullum vsquam exemplum, ne quidem apud D. *Lingelshemium*, qui tamen habet pleraq; tua, plurimique ut par est, æstimat, hætenus inuenire potui. Beares profectò me, publicoque bono, cui natus es, commodares, si, quod reuerenter oro, mihi faceres exemplaris vnius, modò supersit, copiam. Id enim edendum denuo curare est animus, & forte de meo quoque nonnihil adjicere: non in ingenii curæue compa-

A 3 ratio,

rationem (quid enim ad opes Cræ-
 si teruntius?) sed potius ut occasio
 sit, quæ mea sit in te, summum &
 incomparabilem Reipubl. Lit. an-
 tistitem, obseruantia, publicè te-
 standi. Vale, & vti doctrinæ hac-
 tenus, ita posthac beneuolentiæ
 me tuæ participem redde. S. Arg.
 d. 10. Martii Anno Chr. 1629.

Postscriptum.

Quod olim D. *Gothofredo*,
 hospiti meo desideratissimo, quē
 tu doctorem tuum, in illis *diuinis*
 ad Historiam Augustam Notis
 laudare dignatus es, exaravi pro-
 grammata funebre, parum quidem
 & viro illo & conspectu lectuue
 tuo dignum vel ideo tamen vnā
 mittendum duxi, quod sperarem,
 vete-

veteris amici memoriam, quo te primum monstrante, admirari cœpi, non injucundam esse futuram.

Salmasius BERNEGGERO.

CRatissimas mihi tuas fuisse litteras, vir eruditissime, quæ tam propensum & beneuolum erga me, nullo merito meo, animum testentur, non possum quin ipse vicissim tester. Nec ab homine ut reris ignoto venerunt, quippe quem pridem ex nostri *Grotij* sermone optime cognoram: Sed & clarum mihi fecerunt indicium litteræ tuæ qualis esses & quantæ doctrinæ. De opera vero quam polliceris in procu-randa apud vestros Typographos editione commentarii nostri in E-

liberinos Canones, non gratiam
 quidem facio, sed gratias ago in-
 gentes, paratus & ipse contra, qua-
 cunque in re potero vicem redde-
 re, si quando usus venerit ut hic
 apud nos possim tibi utilis reperi-
 ri, diu quidem est cum labor ille
 apud me aut æquiora tempora aut
 locum magis accommodum li-
 bertati scribendi quærît & expe-
 ctat. curis interim aliis distracto
 non licuit serio de eo negotio co-
 gitare, quibus nondum ad ple-
 num sum expeditus. Tertius su-
 pereft edendus tomus, quem duo-
 bus prioribus adjungere paro,
 quo examen nobiliorum simpli-
 cium medicamentorum & omni-
 um fere aromatum, quibus anti-
 quitas vfa est, continetur, cum in-
 numeris Plinii erroribus & no-
 strorum

strorum Herbariorum ac Medicorum qui ibi euentilantur. Omnia sunt confecta & volumen ad umbilicum perductum, sed hæret editio in vna re quod Typorum Arabicorum laboramus hic inopia, sine quibus editionem exire nollem, quæ multa habere debet Arabice concepta ex Auicenna & aliis, quæ necessario verbis Arabicum exprimi oporteret, vt plerisque nominibus sua constet integritas, quæ vulgo in scriptis Neotericorum Medicorum deprauatissima sunt. Nos tamen *Συνέρον* *παρόν* sequemur, si melius non poterimus, & Hebraicis litteris vt multos video fecisse, quos similis coegit necessitas, scribemus Arabica. De Floro vellem, vt velles, & meum protinus exemplar mi-

A s sistem

fissēm ; sed notæ illæ quas penè puer in Germania olim vestra extrusi in lucem , nihil nisi puerile sapiunt & infinitis præterea mendis scatent Typographicis. Eas recognoscere & multis locis facere meliores diu est cum in animo habeo, nec tamen hætenus mihi efficere licitum est quod volui. Hoc faciam quamprimum potero & ad te mittam. Optimum & vetustissimum illud fuit Exemplar Palatinæ olim Bibliothecæ Nazarianum quo vsus sum in Floro recensendo & ejus opera innumeras ex eo authore mendas sustulisse memini. Verum vt dixi editio illa contaminatissima est Typographorum erroribus , ac nescio an cuiquam possit vsui esse, vt est adornata. Habebis cum hac

hac duo exemplaria Plinianatum
 mearum Exercitationum, vnum
 tibi, alterum Amplissimo *Lingels-*
hemio destinatum, cuius viri o-
 mnia præstantissimi humanitatem
 & beneuolentiam eam olim sum
 expertus cum Heidelbergæ stude-
 rem, vt nihil non ei debeam, quæ
 & meo nomine si placet salutabis.
 Vale & me tui amantissimum a-
 mare perge. Lutetiæ Parisiorum
 X. Kal. Junias. clb Ibc XXVIII.

Alb. Sebifius, M. BERNEG-
 GERO.

S. P. D.

INter has quæ me circumfistunt
 turbas, vix tria hæc verba ad Te
 scribere potui, ignosce: tantillo
 tempore beneficiorum Tuorum
 non vsque adeo oblitus sum, sed

A 6 vale-

valetudo Principis me mei tenuit
 & tenet, quæ vt primum (id quod
 propediem speramus) vel pauxil-
 lum remiserit, officii mei & Justi-
 stini Tui prolixius memor ero,
 interim pauculis hisce obseruan-
 tiam meam testari collibuit. Ad
Grotium adire nondum potui,
 fruar tamen breui, Te parario, tan-
 tæ humanitatis viro. De nouis
 nihil habeo, & quis in hac rerum
 incertitudine ausit aliquid affir-
 mare? arma tamen ajunt post so-
 lutam Cazalii obsidionem in Ita-
 lia cessare, sed vix bona fide, res &
 exitus docebunt. Vale vir clarif-
 sime & constanter faue. Lutetiæ
 IV. Kal. Januar. clb lbc XXXI.

Ber-

Berneggerus SEBISIO.

S. P. D.

Nobilissime vir. Exigua quidem, at non exiguæ mihi voluptati fuit Epistola tua, quæ tuæ in me beneuolentiæ, quamuis mihi nunquam dubiæ, fidem ampliore fecit. Ea namque demum vera beneuolentia est quæ durat etiam absentibus: non, quod solet, migrantium animis emigrat. Ego me dignum illa præstare conabor: in hoc saltem officio epistolico, quod primus exordiri dignatus fuisti, non cedam: præsertim si breui esse licet, vt licet, exemplo tuo: Justinus noster valde lento gradu procedit, cum ob scholasticas, leues quidem illas, sed multas tamen occupatiuncu-

A

7

las:

las : tum imprimis ob præsentiam
 Anglici Comitis, cui aliquot ho-
 ras diei soleo tribuere. Discedet
 paucis post septimanis pergratus
 & jucundus mihi hospes: conui-
 toribus tamen meis non æque,
 cum ipsius respectu frontem ad-
 ductiorem induere necesse sit, vt
 nunc hilaritatem tuam, licet ad ri-
 gidi Catonis alicuius leges minus
 exactam, quodammodo desidera-
 re videantur. Quicquid interea
 ad Justinum, ad alios obseruatum
 tibi, quæso fac habeam, nec dubi-
 ta, homini grato, & per quem pro-
 fecerit, publicè prædicaturo, te
 daturum quæ dederis. V. 14. Jan.

1631.

Sebi

Sebistus BERNEGGERO.

S. P. D.

E Pistolam Tuam plenam adfectus in me vidi, & exosculatus sum; à Te tanto Viro tantisque negotiis distracto, tantum sperare non poteram: ut nugæ nostræ à Te vel legerentur, votorum summa erat, Tu rescribis etiam, & tam calide rescribis? Agnosco humanitatem Tuam, qua jam ante multis nominibus Tibi addictissimum, magis magisque cottidiè is obstrictum: dignum me ea hæcenus præstare nondum potui, & vereor, ut in posterum possim, ita Musæ nostræ hic frigent. De Justino certe in ista librorum inopia nihil promittere ausim; & Principis veletudo ab istis curis hucusq; plane

plane me abstinuit : vbi paulo illa
 firmior , (quod DEUS breui, vt
 spero, dabit) quidquid potero da-
 bo effectum ; Tu propediem vide-
 bis , animumque in eo magis in
 Te propensum , quam ingenium
 laudabis. In Galliis si catenatae
 istae turbæ, quæ Silesiæ iterum im-
 minere videntur, & ille qui nostra-
 tium negligentia fortis sibi vide-
 tur, siuerint, aliquot adhuc annos
 commorabimur. Magno mihi
 in hac nostra disiunctione solatio
 erit , si saltem propius à Te me
 sciam abesse. Vale Vir Clarissi-
 me publico litterarum bono, &
 quod soles, faue. Scr. Lutetiæ
 VII.KL.Mart.clbhc XXXI.

Sebi-

Sebifius BERNEGGERO.

S. P. D.

EGo vero ad *Grotium* tandem
 Eadii : moram Amplissimo *Lingelshemio* valetudine Principis
 mei excusabis. Tibi desidia mea
 notior est , quam ut excusari pos-
 sit. Ipse mihi succenso, quod mea
 ferè culpa hucusq; caruerim con-
 suetudine Humanissimi viri , qui
 prolixo in me officio omnia Te
 apud illum posse satis testatum fe-
 cit , bibliothecam etiam obtulit,
 quod beneficium eo cupidius sum
 amplexus , quod inde spes esset ,
 me quod ad Justinum Tuum pro-
 misi, aliquando fore exsoluendo.
 Supra votum mihi reditus ex Bo-
 russia *Robertini* nostri , quem sti-
 pulor sua quoq; impigre hac in re
 collaturum.

Galliæ

Galliæ status nimium nuper
 vacillare videbatur : Ducis Aure-
 liani discessus & Reginae matris
 detentio quid nisi funestum regno
 incendium minitabantur ? pluri-
 mi procerum insimulati, quidam
 capti, Aula & Vrbs tristi silentio
 defixa, latentioris mali indicium
 erant, sed illud salmen sine damno
 fere desæuiit. Aurelianensis Du-
 catus regimen Castellionio cessit ;
 Ille cum Elbouii Duce & Belligar-
 dio inermis & lingua tantum fe-
 rox in Burgundiæ Comitatu desi-
 det, breuique rebus omnibus de-
 stitutus ad officium rediturus vi-
 detur. V. Vir Clarissime. Scr. Lu-
 tetiæ VII. Eid. April. clc lxc XXXI.

Berneg-

Bernggerus LINGELSHE-
MIO.

VIr Amplissime, suspiciende
Patrone. Heri sub quintam
vespertinam *Catharina Hattenia*,
vxoꝝis meæ soror, epidemio mor-
bo, & matrimonii & æui infelicis
ærumnis est erepta, cui cum vxor
integrum triduum atque adeo tri-
noctium adfuerit, & ita domum
meam feralem quodammodo fe-
cerit, absenti exsequendum est
valedictionis officium, quod præ-
sens alioqui malueram. Itaque
cum de beneficiis infinitis toto
hoc exilii tempore nec merenti
præstitis ingentes gratias ago, per-
petuas habiturus, tum & jam de
ritu patrios ad lares exoptatissi-
mo, toto pectore gratulor. Deum
venc-

veneratus vt te, patrone opt. max.
 vt vxorem lectissimam, dulcissi-
 mosque liberos, cum vniuerso
 Palatinorum Comitatu saluos &
 incolumes Patrię restituat, ac sem-
 per in posterum omni maxima-
 rum benedictionum genere lar-
 gissime cumulatos florentesque
 præstet. Cætera per litteras, qua-
 rum ad te subinde scribendarum
 vt mihi potestatem facias, meque
 porro paterna vt hætenus bene-
 uolentia complectaris, obseruan-
 tissime rogo. 22. Iulii 1633.

G. Michael Lingelshe-
mius BERNEGGERO.

S. P.

V Ir Clarissime, animæ dimi-
 dium meæ. Salui huc per-
 uenimus, nec hostis nec prædo no-
 bis

bis visus, tamen ambagibus vtendum fuit, Rhenum infestantibus Vdenemianis. Domi meæ supra votum repperi sic satis commoda & integriora quam putabam, neque tam deformata vrbs, quam mihi persuaserant sermones nostrorum. DEO Laus & gloria sit, qui nos domum reduxit saluos nullo incurſu territõs. De Academia restabilienda nulla adhuc cogitatio, adeo egestas publica premit, & quod superest exhauritur in militem. Gener meus *Spina* fratris sui nuptiis jam vacat Francofurti, in ejus domum deverti, dum mea repurgaretur non-nihil. heri immigravi cum comitatu. multa nobis defunt, quamvis exiguo contentis. Collegam vnicum habeo in Senatu, æquales
 mei

mei omnes abierunt , restat *Me-*
verus Samuel, tuus discipulus, qui
 in nos perofficiosus. Discupio
 cognoscere, de Tua tuorumq; va-
 letudine, ne forte quid labis ex
 nupero luctu ad vos pertigerit.
 DEUS vos seruet & protegat. De
 publicis nihil habeo memorandi.
Vdenheimenses nudius tertius e-
 ruptione facta, castellum occupa-
 runt, sed cum clade denuo ejecti.
 Obsidentibus deest miles satis nu-
 merosus, aliaq, multa, sed & pre-
 mit penuria obsessos. Vale decus
 meum, ter interruperunt scriptio-
 nem compellatores. Saluete o-
 mnes à meis omnibus. Heidelb.
 pr. Kal. Aug. 1633.

Berneg-

Berneggerus LINGELS-
HEMIO.

VIr Amplissime, suspiciende
patrone. Quamuis ingens
absentis tui desiderium alia ratio-
ne vix solari queam, nisi littera-
rum alloquio, quarum sese mate-
ria satis benigne præbet: silendum
tamen, hoc est non tam mei quam
tui rationem habendam putassem,
qui muneris repetiti principio
pluribus atque grauioribus occu-
paris negotiis, quam vt friuolis
nostris vacare queas; nisi & D.
Zuvingerus, Theologus Basilien-
sis, orasset, vt inclusas ad vos cu-
rarem: & præterea D. *Verbezius*
Medicus, à me, quem non nihil
apud te posse, nescio vnde, cogno-
vit, heri contendisset, exorarem

te suffragatorem in impetranda professione Medica. De qua qui coram sermones nostri fuerint, adhuc probe memini. Nolim ego quenquam cuiquam commendare, nisi cum lege, si mereri videbitur. An ille mereatur, aliunde noritis oportet: ego mihi iudicium non fumo. Acutum esse disputatorem ajunt. si locus ei nullus isthic futurus videatur, spem omnem semel præcidi, rectius forte fuerit, id quod tribus ad me verbis per filiorum quempiam expediri potest. nolim enim credas, ipsi tibi ad nugaces hasce respondendi necessitatem impositam. In hoc ipso temporis articulo *Galilæi* Systema Copernicanum accipio. Magnam speciem, & quod nolim, grandiusculam molem

molem liber habet, cujus versio mihi subcisiuas per insequentem hiemem horas omnes absument. Optarim allatum adhuc præsentem te, ut subinde possem ἀπεκρίσασθαι illud *μαρτυρίον* de locis dubiis consulere. *Lucias* tuæ se beneuolentiæ maximopere commendat idemq; & *Freinshemius*, & ego meique vos omnes officiosissime reuerentissimeque salutamus. Vale, mi Pater, Calend. Aug. 1633.

Lingelshemius BERNEG.

GERO.

S. P.

Candidissime amicorum. Cæue putes verendum ut scriptiones tuæ, meas occupationes turbent, quin ego jam dudum tuas

B

scri-

scriptiones prouocaui, quum tibi aduentum ad lares meos significavi. Doct. *Verbezio* hic locus futurus non est, quantum intelligo ex iis, quorum arbitrii res est, quod satius iudico ei indicandum, quam vt incertus in suspensio teneatur.

Gratulor tibi de *Galileo* adepto, vtinam & mihi inspectio libri permetteretur. Vide audaciam meam. Audeo abs te petere, vt per amicum aut notum huc proficiscentem rhedâ librum illum commendes ad me deferendum, ego spondeo, me integrum tibi restitutum, prima oblata occasione, post recognitum librum. Imputa hoc bonitati tuæ, quod impudens hoc postulatum ad te deferro. Nosti morbum meum, impatienter

tienter expetendi talia. Terrorem
 qui vobis injectus per fugam e-
 quitatus *Birckenfeldici*, ademit
 vobis subito nuncius de victoria
 insigni, quam vobis gratulamur
 animitus. quid porrò supersit spei
 Hagenoensibus? *Vdenhemius*
 magno nos adhuc maectat malo.
 ductores militum sua compendia
 præferunt officio. De Academia
 locutus sum cum genero meo *Spina*,
 is queritur penitus exhaustum
 fiscum, neque dum ullos prouen-
 tus post ditionem recuperatam,
 receptos. itaque nihil est ex quo
 salaria præstentur. Messis ac vin-
 demima viam aperient, sed & reli-
 qui redditus affluent mox. Benè
 speremus, Ego certe non quiesco,
 donec te frui possim. Vale decus
 meum, cura tuis. Responsum ad

litteras Basileenses quas mihi misisti, inclusi literis ad *Brederodium*.
saluant amici, *Lucius & Freins-*
emius aliique. 9. Aug. 1633.

Berneggerus LINGELS-
HEMIO.

AMplissime Vir, optime mi
patrone. Litteras tuas, *Gla-*
seri nostri ministro reddente, nu-
per accepi, summopere quidem
illas jucundas sed valde interim
inexpectatas. Nec enim aude-
bam sperare futurum, ut in ista
nova mole grauissimarum occu-
pationum, & eo magnorum vi-
rorum quibus scribendum habes
numero, clientuli quoq; tui me-
minisses. Itaque qui & timide nu-
per scripsi, & posthac multo timi-
dius

dius eram scripturus, nunc saltem
 rescribere, absterfo omni pudore,
 tanta inuitatus humanitate, susti-
 neo. Ac initio Tibi tuisque de
 saluo ad vestra reditu summoperè
 gratulor, ex animo DEUM orans,
 vt te porro quam diutissime, bo-
 no publico cum tuis præstet inco-
 lumem. Ago quoque gratias de
 paterna sollicitudine in inquiren-
 do de valitudine mea meorumque
 quæ per DEI gratiam bene habet,
 & lues quæ passim urbem carpere
 non desinit, nupero luctu conten-
 ta non vltra meis nocuit. Affinis
 meus ὁ πάριμεγας, post tam diu quæ-
 sitas vndique conditiones, inuenit
 denique viduam in qua acquie-
 scerèt. Eam hodie cum propin-
 quissimis nonnullis ad prandium
 inuitauit, ad quod ego quoque

condixi. Nuptiæ breuī celebra-
buntur. Sed hæc scire plurimum
vestra scilicet intererat. &c. &c. II.
Aug. 1633.

Berneggerus LINGELS-
HEMIO.

V Ir amplissime , mi Patrone.
Cum alteris tuis responsurus
calamum expedirem, ad me venit
D. *Steinbergius* Silesius JCtus Ge-
neuenfis. Post multos sermones
vltro citroque, variis de rebus, de
te cum primis habitos, mandauit
ad postremum vt te suo nomine
reuerentissimè salutarem : existi-
mare enim se, sui memoriam, qui
tibi & *Grutero*, ante hos viginti
circiter annos, à *Dornauio* com-
mendatus sit, tibi nondum exci-
disse.

disse. Cum colloquia videretur
longius protracturus, quam ut li-
teras statim à prandio ferendas ad
Glaserum nostrum, scribere va-
caret, objeci ei legendas hasce
Schickardi pagellas, tibi, nisi val-
de fallor, valde placituras. Interea
libuit hæc pauca deproperare. V-
tar enim sane, vel si uar potius, in-
comparabili illa humanitate tua,
quâ mihi licentiam nugandi te-
cum, credo ut maxime seriatim
clientuli gerris interpolares, adeo
beneuole concessisti. D. *Verbe-*
zio indicaui responsum tuum: qui
subtristis quidem ob spem frustra-
tam, & fortunæ atque religioni
(ut ait) subiratus, laudauit tamen
candorem vestram, quod promif-
sis inanibus non diutius lactan-
dum duxistis.

Galilæi Systema

B 4 Co

Copernicanum hoc mittam cupi-
 lius: & vna specimen translatio-
 nis meæ, vt exquiram & de isto, &
 maximè de hac iudicium tuum.
 Video enim haud paucas difficul-
 tates suborituras, in quibus expe-
 diendis nemo te rectius aut faci-
 lius adiuuerit imbecillitatem me-
 am. Nisi tamen in commoda pu-
 blica peccare est, ad hæc talia te vo-
 care. Captabo proximam quam-
 que occasionem qua liber ad vos
 eat, vnaque tractatus Angli *Baro-*
nis de veritate, prout distinguitur
 à reuelatione &c. nuper à *Dioda-*
ro muneri tibi missus. De Aca-
 demia vestra minimè dubito, si
 quando eam restaurare placuerit,
 affluentem vndiq; doctorum ho-
 minum copiam, difficilem vobis
 electionem facturam, De mul-
 tis

tis *Steinbergius*, inter alios de *Vedelio*, *Gebhardo*, *Schoppio*, maxime verò de *Spanhemio*, quem quia Geneuenses metuunt abitum meditaturum & Rectoratu nuper Academico, & omni honoris beneficiique genere sibi deuinciunt. &c. 18. Aug. 1633.

Lingelsheimius BERNEG-
GERO.

S. P.

VIr Clarissime, amicorum v-
nio. Ad binas tuas debeo
responsum scriptas 11. & 18. Augu-
sti. Dno. *Steinbergio* quæso vt
salutem dicas meo nomine, *Bre-
derodius* quoq; laudes ejus apud
me deprædicauit, ejus quoque ra-
tio habebitur. De *Schickardi* Li-
Bello

bello gratias tibi habeo maxi-
 mas, jucunda mihi fuit ejus le-
 ctio, sed non fraudandus es, aut
 amici tui, itaque remitto, paratus
 subministrare quicquid tibi iu-
 cundum esse poterit. *Galilaum*
 impatienter expecto, sed & Angli
 scriptum. Quod nunciem de pu-
 blicis, memorandum nihil est.
 Consultationes Francofurti lentè
 procedunt, ut fieri solet inter tot
 capita. *Vdenhemium* nobis ad-
 huc faceffit negotia, non is feruor
 in nostris est, qui debebat. *Meue-
 rus* te amice resalutat, memor
 tuorum in se officiorum. Omnis
 mea familia te tuosque resalutat
 animum. Crebri de te tuisq; in-
 ter nos sermones, cum bonis vo-
 tis. *Freinsheimii Luciiq;* jucunda
 nobis recordatio. In Academia
 vnicus

unicus adhuc superest *Sptna*, ge-
ner meus, sedulo id agit vt restitua-
tur, sed tempore opus est in inopia
omnium rerum & vastitate hosti-
li. Vale pectus candidissimum.
Heidelbergæ 26. Aug. 1633.

Berneggerus LINGELS-
HEMIO.

V Ir Amplissime, Patrone O-
ptime maxime. Heri multa
vespera *Galileum* cum *Diodati* li-
bro curandum *Hauberto* tradidi:
commissurus eidem cram literas,
nisi & ferè totus dies friuolis in-
terpellationibus mihi periisset: &
hodie *Glasero* nostro illas tradi,
commodius existimassem, celeri-
us fortasse peruenturas. *Galileum*
non nisi cum opportunum

erit, remitti peto. Facile possum eo carere ad aliquot septimanas, totus enim occupor in *Indice Suetoniano* conficiendo, quo absoluto (id intra mensem futurum spero) alterum illum laborem ex professo suscipiā, in quo præuideo sane remoras ac nodos haud paucos: nonnihil etiam offendit illa morosa, & propria Italica, sed à *Matthesi*, nisi fallor, ad modum aliena μακρολογία. Verum contentio studii, contemplationisque jucunditas omnia peruincet. Hiems ita transibit, interea seponetur & *Suetonianus* *Commentarius*, & *Freinsheimii* nostri *Curtius*, maxime cum nec typographi nobis copia detur: & vero *Freinsheimius* vocatus sit ad *Dn. Marscotum* iuniorem, Senatorem *Parla-*

Parlamenti noui Metensis, vt ei in tractandis vnà studiis Historicis ac Iuridicis, vt & Germanica tradenda lingua, operam præstet. Ita fiet vt hoc interiecto spatio, mitescentibus temporibus, & reuersis interea *Freinshemio*, filioque, communes nostri labores reseruentur ad illum quem sperare nunc jubes tranquillitatis exoptatissimæ portum. Hæc certe summa votorum meorum est &c. &c. V.
4. Sept. 1633.

Lingelsheimius BERNEG-

GERO.

S. P.

V Ir Clarissime. *Hauptrechtus* recte mihi reddidit *Galileum* cum *Herberto*, sed in fasce nihil

B

7

tua-

narum literarum reperire potui.
 ingentes tibi gratias habeo de hoc
 officio. Summo cum desiderio
 uoluo *Galileum*, qui mihi per o-
 mnia satisfacit. Sed certe pudet
 ne, interrupisse tuas in *Galileum*
 iuras. remittam omnia, ut pri-
 mum nactus fuero certam com-
 moditatem. *Miegia* quoque no-
 tra cum suis salua huc peruenit.
 Academica res nostra erigi non
 potest antequam prouentus colli-
 gantur, omnes enim fisci & hor-
 rea euacuata. Per complures dies
 in languore fui & doloribus ex de-
 fluxione in humerum sinistrum,
 quæ per molesta fuit in manu &
 articulis. Lectio *Galilæi* pluri-
 mum mihi molestiæ exemit, quod
 etiamen tibi vni debeo. Sed &
 nata filiola *Maria* mea, *Hugonis*
 Medii

Medici vxori, partu perfacili. Ipse
Hugo receptus in professorem Me-
 dicum opera affinis *Spinae* mei. O-
 mnes mei commodè valent. tibi,
 coniugi, filia ac omni familiae fe-
 licissima quæq; comprecamur. Vi-
 des ex inconcinna literarum for-
 ma imbecillitatem reliquam. Va-
 lere omnes felicissime. Heidelbergæ
 12. Sept. 1633.

Lingelsheimius BERNEG-

CERO.

S.P.

Vir Clarissime, frater optatissi-
 me. Literæ tuæ 4. Sept. scri-
 ptæ, recte mihi, quamuis tarde
 redditæ, sed diu ante *Gabileus*,
 quem avidissimè perlegi maxima
 cum voluptate, ac quamuis ver-
 boſi-

bositas mihi quoque molesta esse
 soleat, tamen illa ipsa facundia
 placuit, ac pro Dialogorum genio
καίρερα illa etiam suam jucundita-
 tem attulerunt. Maeste virtute
 tua, qui labores non refugis in
 vtilissimo opere, nostris homini-
 bus communicando. Pensum
 quod tibi ipsi parasti in hanc hie-
 mem voueo ut iucunde conficias.
 Interea resumet vires Academia
 nostra, quam confido fore, ut tua
 industria & virtute reflorescat.
Frensemio gratulor consuetudi-
 neni *Marescoti* filii & opto ut feli-
 citer vtrique eueniat. Scripsit is
 ipse quoque ad me, & commer-
 cium literarum flagitat. *Glaferus*
 hac transiens me exhilarauit sua
 præsentia, sermones nostri inter-
 rupti, magnatis cui aderat inter-
 ventu

ventu, & præcipitato eorum itinere. De *Schmidij* J Cti casu haud dubie tibi innotuit quoque, is in prædones incidit tribus abhinc miliaribus, qui vestem ac nummos ipsi eripuerunt. damnum æstimant quatuor millibus thalerorum. Exigua spes recuperandi, in tam corrupta disciplina militari, plerisque conniuentibus ad talia facinora. *Opitius* noster Francofurtum aduenit in comitatu Legatorum Silesiæ, is spem facit excursionis ad me pro mutuo nostro amore. Poema suum misit, *alloguium in calamitatibus bellicis* inscriptum Principi Danico, quem magnis laudibus extollit, ac iam fatum eius miserabile deplorat. Vale frater candidissime. Heidelb. 25. Sept. 1633.

Berneg-

Berneggerus LINGELS-

HEMIO.

Vir Amplissime, suspiciende
patrone. Plurculi dies abie-
runt mihi vel perierunt potius,
hoc tempore solitis institui Magi-
sterii Candidatorum examinibus.
Ea caussa factum, vt binis tuis has
vnas aliquanto ferius reponam.
Quæ posterioribus inclusæ fue-
runt, eas rectè curauī. Dn. *Stein-*
bergius, iisdem allatis, jam domum
discesserat metu contagiosæ luis,
apud nos ita grassantis, vt hac vna
septimana, vltra 300. funera in
Libitinæ rationem venerint. Fri-
gescente nunc aura, meliora spe-
ramus. Publica apud nos non
sat bene se habent, nec mirum &c.
Freinsheimius ante dies quatuor-
decim

decim discessit in Comitatu Legati Gallici. Scribit se saluum quo destinauerat peruenisse, cum prius à rusticis Lotharingicis, deinde ab Equitibus Salmensis Comitis, præsentissimum inde necis, hinc captiuitatis periculum sustinuisset: quorum tamen alterum solius DEI misericordia, posterius etiam Legati Regij beneficio feliciter discussum sit. a Dno Marefcoro perhumaniter exceptum se benigne haberi. Ego & mei omnes adhuc rectè DE I gratia valemus: optamus te quoque Vir Maxime, præsidium nostrum vnicum optime diutissimeque cum tuis omnibus. Valere. 6. Octobr. 1633.

Lingels-

*Lingelsbemi*us BERNEG-

GERO.

S. P.

Non possum satis deprædicare
benignitatem tuam, qui pri-
vare te voluisti ad tempus, junc-
tissimo disputationis fructu, ut
importuno meo desiderio satisfac-
ceres. quas dignas grates reponā,
utinam factis possim. Recipies
igitur per summum nostrum ami-
cum, & utilem operam impendes
omnibus veritatis studiosis. An-
xius sum vehementer obdenta a-
pud vos funera & metuo vestris
tam caris capitibus. Seruet vos
DEUS melioribus temporibus.
DEO vivimus, DEO morimur.
Frcinfemio gratulor discrimina su-
perata, & comitatem Patroni. Be-
ne

ne sit istis & omnibus nostris amicis. De rebus nostris viua epistola referet. Vale dulce decus meum, cum tuis omnibus. Salutant vos amanter mei, & imprimis nepotulus *Georgius*, qui nuper nata mihi nepti ex filia *Maria*, nomen ei indi voluit *Susanna* in memoriam vestræ, & obtinuit. En ardorem amoris in pusione. Viuite felices. Heidelbergæ. XIII. Octobr. 1633.

Berneggerus LINGELS.

HEMIO.

S.P.

Vir Summe, parentis loco mihi semper obseruande. *Glaserus* noster, quem occupatissimum hætenus appellare nondum licuit

Tunc , superiori septimana *Galileum* cum literis ad me misit , in quo per hanc hyemem conuertendo tanto progredior alacrius , quod autorem cum instituto meo , tibi , cuius iudicium facio , pro eo ac par est maximi , non displicere animaduerto , nec auocabunt ab intentione isti ad portam nescio qui : non enim *Hannibales* . adeo nihil strenue hic geritur . nisi forte labores intercipiat epidemia lues quæ septimana superiore 349 homines apud nos absumpsit . Et quamuis ego meique tuti hucusque fuimus : cum tamen in vicinia quoque malum hinc inde serpat , nunquam nobis licet esse securis . Mirifice nos oblectat nepotuli adhuc durans in infantem meam amor , & magis vestrum

vestrum in nepti tuæ (de qua plurimum gratulor) imponendo nomine obsequium, nouum super tot alia beneuolentiæ in nos vestræ argumentum: quam quæso seruate nobis perpetuam, omnesque à meis omnibus plurimum saluete & valetudinem vestram, quæ non minus nostrâ cura nobis est, diligentissime curate. 20. Octobr. 1633.

Lingelshemius BER-
NEGGERO.

S. P.

A Micorum Integerrime. Quas ad me dedisti 20. Octobr. recte accepi, & in iis constantem in me amorem perspexi. Periculum à lue vestrum nos anxios valde

de habet, præsertim tam spissis funeribus. *Furichii* decessus cor mihi tetigit, amaui virum, & iam locum aulici Medici apud Bipontinum ipsi conciliarat gener meus *Spina* ; sed illi iam prospectum. Suecicæ res magnam cladem acceperunt in Silesia, de qua conclamatum videtur. *Hodizinus* ductor à Cancellario missus in illas partes qui reliquias exercitus colligat. Nos *Vdenhemum* exhaurit, & Suecorum conatus hætenus inanes fuerunt, quamuis assidue spem faciant obtinendi castelli. Statuum Hollandiæ exercitus in hiberna reductus, & auxilia Suedica dimissa. Landgravius *Wilhelmus* virum se præstat & res gerit. Brevis futurum confido, vt ab Academia euoceris, ædes iam tibi præstitæ

tutæ satis commodæ, idq; in mea
vicinia. Tuam ego consuetudi-
nem omnibus aliis præfero. Faxit
DEUS vt saluus nobis reddaris,
& frui mutuo amore possimus.
Hugo meus pro gratulatione agna-
tæ filiæ multum se debere tibi as-
serit, & felicissima quæque tibi fa-
miliæque optat, quod & facit o-
mnis mea familia. In *Galilaum*
jam intentus, pelle tristes cogita-
tiones, omnes & de futuris curas.
in DEO confidamus, qui omnia in
bonum suorum dirigit. Valete
omnes Heidelbergæ 28. Octobr.
1633.

Berneggerus LINGELS-
HEMIO.

NOli putare, vir maxime, so-
cordia factum vt ad proxi-
C mas

mas tuas silerem, quam par erat diutius. cum vxore plusquam tribusculum quoddam intercessit, quod me per hanc septimanā exercuit. Res ita est, Illa nempe quotiescunque ante hac, ob rationes quas bene nouit, mentionem migrationis nostræ injeci, non abnuere visa fuit. Nunc dum vocationē in propinquo esse & seriò rem agi videt, illa tergiversari, causariq; varia : modo difficultatem atque pericula transferendæ Bibliothecæ, instrumenti typographici, ceteræque supellectilis nostræ : modò rem Palatinam non ita restitutam, vt ab hostium incurfione securitatem sibi polliceri possit, &c. cum primis ingerere miserabilem illam futuram sui suorumque speciem

si.

Ciem, si quando me è viuis subla-
to (non autem posse me mihi in
hoc senectutis exordio multos in-
super annos promittere) sibi ab o-
mnibus desertæ, omnique præsi-
dio nudatæ, viuendum isthuc erit.
Nec enim ita facile nouas amici-
tias parari, aut paratas firmiter
coalescere posse. Vides, mihi cum
vxore esse pugnandum. Ad fi-
lium nuper rem omnem perscri-
psi, eius responsum expecto. Inte-
rim te rogo, mi pater, hunc pater-
num in me animū ne abjicias &c.
Valete & saluete carissima capita
omnia à nobis omnibus, nomina-
tim lectissima virgo filia à discipu-
la suæ laudumque præcone *Elisa-
betha*. 24 Nou. 1633.

Lingelsheimius BERNEG-

GERO.

S. P.

A Micorum Eximie. Quum
 redderentur mihi literæ tuæ
 24. Nou. datæ, jam mandatum ac-
 ceperam à Principe, explorandi a-
 nimi tui, num nam permoueri
 possis ad Academiæ nostræ pro-
 fessionem Oratoriam aut Histori-
 cam suscipiendam. Persuasum e-
 nim habet Illustrissimus Admini-
 strator, fore vt egregia tua fama
 doctrinæ & industriæ attrahat co-
 piosam iuuentutem restabiliendæ
 huic veteri Academiæ. Dum tu
 considerabis, quid è re tua sit, da-
 bitur opera ne diuulgetur cona-
 tus hic noster. Vbi autem non
 abhorre te significabis, legitimo
 modo

modo & promerito tuo euocaberis per epistolam. Ex tuis autem literis certamen tuum intellexi, neque leuia videntur, quæ tibi obijciuntur, sed caue disputationibus assiduis conjugis tuæ animum irrites, nam contentionibus istis assuefiet ad contradicendum, ac magis magisque obfirmabitur in opinione contraria. Filius tuus multum poterit, & res ipsa docebit. Hiems ista elabetur interea, & res Palatinæ, quod spero confirmabuntur. reliqua autem facile concident, naui omnis libraria quoque supellex sine tua impensa aduehetur & reperietis hic amicos sinceros. In DEO confidamus à quo omnia bona. Libertatem habes eligendi quod è re tua erit, & quidquid consti-

tueris, approbabo, quamuis enim
 impatienter te caream, cominoda
 tamen tua meis præfero. *Æ*quo
 animo hæc perpende, scopus sit
 gloria *D E I*, rationes in vtramq;
 partem considerate perpendan-
 tur, facile post erit eligere. Dux
Bernhardus feliciter res gerit in Ba-
 varia, atque hostium conatus mi-
 rifice infregit. *DEUS* porro ju-
 vet, cîte tuosq; commendo. Mei
 resalutant vos, & cum insigni af-
 fectu. Viuite felices. *Heidelb. Kal,*
Dec. 1633.

Berneggerus *LINGELS-*
HEMIO.

D Istuli, mi Pater, hucusque
 responsum ad proximas tuas
 quod cuperem ante *Lutetia* filii
 mei

mei literas accipere, ad quem de
 toto negotio retuli. Sed nihil
 dum litterarum comparet, haud
 scio qua causa, nisi quod pridem
 ad me Lutetiâ perscriptum est &
 res ipsa loquitur, isthic incredibi-
 lem tuam in curandis litteris per-
 scribendisque novis diligentiam,
 ex quo discessisti Argentina, valde
 desiderari, minimeque præstari ab
 eo, cui hic relicto, res ea maxime
 curæ esse debebat. Audio Fran-
 cofurtum inter ac Metim, jussu
 Regis, celeres nuper esse disposi-
 tos, ut nunc intra decem dies Pa-
 risiensium ad nos & vicissim litte-
 ræ commeari possint. Ea nunc
 occasione vtor & breui responsio-
 nem expecto. De publicis, quia
 non inquirō solícite, vix quic-
 quam, nisi quod in omnium ore

est rescisco. Gallicæ copię in propinquo esse dicuntur, quæ nostros homines suspensos tenent, plusne illa nostris hostibus, an nostræ libertati nocituræ sint. &c. 16. Decemb. 1533.

Lingelshemius BERNEG-
GERO.

S. P.

QUas XVI. Decembris ad me dedisti, accepi lecto affixus, ex arthriticis doloribus, quorum reliquiæ vix sinunt tractare calamus. Subinde interrogor à nostris, quid responsi abs te tulerim, respondeo, rem arduæ deliberationis, tempus & considerationes exactas requirere. Tu tuo commodo statue apud te quid è re tua
vide-

videbitur nihil periculi in mora. Jam vero nuncio tibi Rhenum jam tibi liberum, reddito *Vdenhemio*, quod hactenus nostri fuit fundi calamitas. Excedit miles cum armis vasisque & binis tormentis, currus præbentur XXX. vehendis impedimentis, deducuntur Brisiacum, aut vbicunque præsidium erit Cæsareum. Deditio facta Coronæ Suedicæ & fæderatis Principibus: Gallorum nulla facta mentio, quorum copiæ recesserant versus *Mosellam*, postquam Cancellarius *Suedicus* negasset ditionem exhaustam esse ferendo alteri exercitui. Is discessit Francofurto Erfordiam versus, quamvis Orator Gallicus *Fequierius* ipsi suum aduentum significasset. In Kal. Martias indictus Conuentus

Francofurtum federatis, itemque
 Saxonis Principibus de federe
 augendo. Dux *Bernardus* Am-
 bergam aggressurus scribitur.
 Gaudeo tibi iter secundo Rheno
 iam patere. D.*Hagen* itidem ad
 nos festinat, quid si vos vna naui,
 quod commodissimum foret. *He-*
notus noster tibi commendari
 vult, fac intelligat, te mea causa
 ipsi bene velle; en ad ipsum lite-
 ras. Salueat Dn. *Lucius* à quo ele-
 gantissimam accepi epistolam. Va-
 lete omnes totaque domus tua à
 meis quoque. Heidelb. 6. Jan. 1634.

Berneggerus LINGELSHE-
 MIO.

Amplissime vir. Colloquii po-
 tius est quam epistolæ, nar-
 rare

rare mirificas turbas, quæ nos hic
 agitant. &c. accepi nuper à filio
 post longum silentium literas, nec
 ille migrationem dissuadet, nisi
 quod eam differendam censet, do-
 nec Palatinatus à graui conuulsio-
 ne reualescat. Et nondum ei de
 reddito Vdenhemio, h. e. fundi
 vestri calamitate sublata constare
 poterat. Vxor etiam indies mi-
 tescit, nisi quod conscientia lib-
 bertati timet, de qua vt in literis
 me vocaturis, nobis caueatis, ab
 humanitate vestra facile, opinor,
 impetrabimus. &c. Cuperem au-
 tem differri vocationem in vnum
 alterumue aut summum tertium
 mensem, ob causas quas forsàn fi-
 lius meus coram breui exponet.
 Nam ille, operâ *Glaseri* nostri à
 Rheingrauiō quodam vocatur,

6P.

vt ejus filiolo sit à studiis : nisi for-
san diutius Parisiis hærere malit,
quod fecerit sane me non inuito,
atque etiam suadente. V. 16. Jan..
1634.

Berneggerus LINGELS-
HEMIO.

Postquam spes illa quam nuper
feci de filii mei aduentu , de-
collauit , opportune accidit , vt e-
jus loco nunc veniat *Jø. Ludouicus*
Peyerus Scaphusianus per annum
& vltra conuictor mihi jucundissi-
mus, erecti juvenis ingenii, in quo
juvenilitatis vix quicquam con-
spicias. Is instar esse poterit Epi-
istolæ viuæ , satisque proluxæ , si
tanti videbitur , de Urbis & Aca-
demiæ nostræ statu , de me deniq;
meis-

81.

meisque narrantem audire. Valde certe desiderat admitti ad Colloquium tuum, eoque nomine tibi se commendari à me voluit, nescius scilicet, ultro te bonis omnibus optimum ipsum patere. *Galilei* Systema (in quo vertendo pergo quoad possum) in Italia proscriptum est: quæ res & mihi laboris stimulus est: & olim uti spero, libri pretium accendet. Mitto proscriptionis formulam, sed ea lege ut ad me redeat, vberem aliquando præfationis materiam præbitura. 6. Febr. 1634.

Lingelsheimius BERNEG-

GERO.

S. P.

I Uicundissimæ tuæ 16. Jan. datæ,
C 7 recte:

recte mihi redditæ, placet differri
 vocationem tuam, & eam forma-
 ri pro voto tuo. Virum Clarif-
 simum *Schoppium* iam puto ad vos
 peruenisse, inter vos ambos viros
 optimos facile conueniet. Ditio
 hæc mirifice exhausta est, neque
 dum cessant rapinæ insolentis mi-
 litis, nullo rectore. dedecus no-
 bis pudendum, qui hæc feramus,
 sed ita solet inter federatos, vt qui
 arma tenet omnia sibi licere velit.
 Sed quid delabor in querelas?
 Mei omnes vos resalutant pera-
 manter, assiduus nobis sermo de
 felicitate nostra per vestrum con-
 victum. Sed & viri graues assi-
 due me percontantur, respondeo
 petere te adhuc tempus ad delibe-
 randum exiguum. Cancellarius
 Suedicus bene sperat de Saxoni-
 cis.

cis. Saxo ad Cæsarem missurus est splendidam Legationem, dum cæteri de salute sua tuenda deliberrabunt Francofurti. Sed quæso, quomodo procedit *Galileus* tuus, hiems jam præceps ruit, quem finem labori tuo proposueras, ejusmodi malo considerare quam publica, quæ ruunt culpa vniuersorum. Apud nos *Camerarius* Junior Suedicas res gerit, is sæpe de te percontatur, ingenuus æstimator virtutum tuarum, is te saluere jubet, adfuturus quoq; Conuentui Francofurtano. Vale cum tuis felicissime. Heidelb. 9. Febr. 1634.

Lingels-

Lingelshemius BERNEG-
GERO.

S. P.

ET literæ tuæ 6. Febr. datæ & colloquium cum *Peyero*, elegantissimo juuene mihi fuerunt longè jucundissimæ. Is jam cum *Hagenio* ad vos redit. Cogitant nostri sub Pascha instituere Professores ad Academiæ restorationem, itaque rectè feceris, si de rebus tuis mature quid statuas. Deus dirigat cœpta tua. Remitto Tribunalis sacri sententiam contra *Galileum*; quam foedè se immiscet sacra cohors in decisionem controuersia Philosophicæ. gaudeo id tibi incitamento esse ad vrgendum opus tuum in quò gnauiter perge, gratum facturus omnibus
verita-

veritatis studiosis. Publica sic
 satis procedunt & hostis subinde
 strages accipit diuersis in locis.
 Francofurti celebris conuentus
 institutus in mensem Martium.
 Salutat te peramanter *Spina* gener
 meus & impatienter tuum aduen-
 tum expetit itemque tota domus
 mea. Has literulas quæso red-
 dendas cures quibus inscriptæ. Fi-
 lius tuus insignem operam mihi
 præstitit iussu *Hottomanni*, in pri-
 vatis meis extricandis, cui pluri-
 mum debeo, recreatus mirifice
 suauissima ejus epistola. Det ei
 DEUS quæ optat. Valete felicissi-
 me. Heidelbergæ. 18. Febr. 1634.

Ber-

Berneggerus LINGELS-
HEMIO.

V Ir Amplissime. Qui literas
hasce reddit *Joachimus Rude-
rer*, *Joachimi Quæstoris* monia-
lium poenitentium filius, cum
isthic expediendi nescio cujus ne-
gotii causa Heidelbergam esset
iturus, oravit me, quod pro jure
affinitatis imperare poterat, ut si-
bi commendatitiis meis aditum
præstuerem ad alloquium patro-
ciniumq; tuum, quod rebus suis
magnopere commodaturum spe-
ret. Etsi vero certo scio, precibus
ejusmodi nihil quicquam opus
esse apud te, cui bonis omnibus,
aut specie bonorum obrepentibus
vltro benefacere pridem in natu-
ram vertit: ne tamen homini ami-

eo deesse viderer, placuit ἐς μέλλον
 τὸν ἱππὸν περὶ τὸ εἶπεν, & reuerēter ora-
 re te, quod necrogatus faceres, vel
 mei causa libentius diligentiusq;
 facere digneris, quo is intelligat
 commendationem meam, aliquid
 apud te momenti ac ponderis ha-
 buisse &c. 28. Martii 1634.

Berneggerus LINGELS.

HEMIO.

S.P.

Summe Virorum optime mi
 Patrone. Venatorem nostrum
 propediem huc venturum esse, læ-
 tus lubensque nuper audiui, cujus
 expectatione jam sum in respon-
 dendo breuior. Nam & cum eo
 de toto negotio nostro deliberare
 accuratius, & per eundem, quid deni-

deniq; statuendum videatur, nunciare licebit. Nunc *Schoppium* nostrum Virum longe optimum candidissimumque nolui absque breviculis hisce dimittere, qui longioris epistolæ vicem explebit. Dn. *Schmendi*us, gener *Grateri* pridem apud me pecuniæ non parum deposuit. quando reposcet? Dn. *Miegius* J Cti titulum impetraturus, cum obiret experimenta solemnia, ita probavit eruditionem suam, vt Juris Consulti nostri in proximo conuentu Academico prædicauerint, se jam à longo tempore candidatum digniorem doctioremque non habuisse. V. 22. Apr. 1634.

Lingels-

Lingelshemius BERNEG-

GERO.

S. P.

Candidissime amicorū. *Schoppius* recte reddidit tuas, sed colloqui cum ipso nondum datum, quod fiet hodie vt spero. *Schmendum* morbo, vbi me convenerit, vt te onere liberet depositi. de *Miegio* gaudemus & nuncius de ipso tuus jucundissimus matri suæ atque propinquis. Verum testimonium ipsi tributum scio, incredibilis enim eius fuit diligentia. Jam ipsi defertur à Comite Isenburgico conditio, filii sui comitandi in itinere Gallico. Per *Rudererum* proxime scribere non datum, credo tibi retulisse nostras salutes, sed etiam auocor. Vale
ani.

animæ dimidium meæ. Venatorem frustra te expectare puto, neq; scio unde tibi eius aduentus spes. Nobiscum fuit per hos dies familiarissime egimus. Incertus est plane de rerum suarum statu. adhuc obnoxius Principi suo. Pertrahetur spero quoque ad nos. Sæpe fuit nobis jucunda tui recordatio. Salueant tuæ Caritates à meis. Heidelberg. 25. Aprilis 1634.

Berneggerus LINGELSHEMIO.

AMplissime Vir. Totus hic dies mihi disputationib. absumptus est. Nam horas quidem antemeridianas *Miegio* huic nostro tribui, de quo nihil possum
ita

ita magnificè prædicare, quin ipse
 mereatur ampliores laudes. Tan-
 ta dexteritate, tanta facundia, tan-
 ta modestia interim & amabilita-
 te, tanto etiam auditorii, solito
 frequentioris applausu, partibus
 suis defunctus est, vt ex omni nu-
 mero Candidatorum in Academia
 nostra vix vllum parem, præstan-
 tiorem certe neminem habueri-
 mus. Veruntamen quicquid vo-
 luptatis ibi contractum, id omne
 molestia pomeridianarum hora-
 rum absterfit, quibus mihi desi-
 dendum fuit in cathedra disputa-
 toria cum inepto fere Responden-
 te quem vocant, vel Tacente po-
 tius, & aduertendus animus, com-
 modanda lingua, stultorum ado-
 lescentum *ελευαρολογήμασι* nescio
 quibus. Talibus ineptiis opple-
 tum

tum obtusumque caput ad scribendum non facile traduxero. Percommode igitur accidit, vt idem ille noster sese nunc offerat, qui vicem epistolæ fungatur. Ex hoc & de *Galilaicis* excudi coëptis & de nostro proposito & de aliis quæ scire lubebit, cognosces. Scribam tamen & ipse prima quauis occasione plura. Interim &c. 8. Maij 1634.

Lingelshemius BERNEG-

GERO.

S. P.

Virorum & amicorum præstantissime. Ad binas tuas responsum tibi debeo, quas *Miegius* & amplissimus *Brederodius* mihi reddiderunt. specimen *Galilaico-*

rum tuum mihi per omnia placet.
 tanta est perspicuitas in interpreta-
 tione tua, vt longe exactius ac-
 ceperim, quam ex ipso auctore,
 sic perge bene mereri de publico
 & molestias magni laboris forti-
 ter perfer; quibus cor est, magni
 facient hanc tuam operam. &c.
 Desiderium tui ferre incipio im-
 patienter, extrica te quantum po-
 tes inde, & tibi tuisque sponde de
 nostris amica omnia. Tota do-
 mus mea ardet desiderio vestri, &
 crebri sunt nobis sermones de vo-
 bis, ac jam animo præcipimus gau-
 dia vestræ consuetudinis. *Glasernus*
 noster confectis magnam partem
 negotiis suis breui nobis aderit.
 Generi mei, ceterique amici vr-
 gent vt nobis sistaris. Ii salute Te
 impertiunt animitus. Ingentes
 D sunt

sunt difficultates sustinendis belli sumptibus, exhaustis fere omnibus confœderatis, sed aliter pax obtineri nequit, quam reddet Pater Cœlestis, quum consultum erit suis. Vale cum tuis felicissimè & amorem tuum nobis serua: Heidelberg. 10. Jun. 1634.

P. S.

Marescotus Metis ad me scripsit his diebus, expetit certior fieri de valetudine & rebus tuis, prædicat officium tuum in tradito ipsi *Freinsemio*, cujus virtutes prædicat.

Berneggerus LINGELSHEMIO.

V Ir Amplissime, Mi Pater. Responsi

sponsi tarditatem ad nouissimas
 tuas, si multis excusare instituiam,
 fecero injuriam humanitati tuæ,
 vel indulgentiæ potius erga me
 perpetuæ, qua licere mihi putas-
 sem vel ad aduentum usque filii
 mei, quem in dies singulos expe-
 cto, scriptionem, vti constitue-
 ram, differre, nisi nefas duxissem,
Zieglerum hunc vestrum, egregi-
 um sane virum, ac mihi per hos
 dies, affatu perhumano multipli-
 cique sermonum varietate jucun-
 dissimum, absque literis meis ad
 vos dimittere, qui idem amplior
 interpres ac testis consiliorum
 meorum esse queat.

In opere *Galilaico* occupatio-
 nes aliæ properare non sinunt.
 Nuper *ElZimirj* promiserunt im-
 pensas, itaque typographus ini-

tium excudendi fecit. Nobilissimus *Brederodius*, reuerentissimè nomine meo salutandus, attulit à *Diodato tractatum Foscarini*, in quo dogma Copernicanum cum sacris literis conciliatur, satis speciosè ac neruose, nisi fallor. is *Galilaum* aduersus eos, qui specie pietatis veritatem impugnant, egregie communiet. Adnectam quoque *Kepleri* Lunarem astronomiam, vnde inuicta pro Copernico argumenta peti queunt. nondum enim quod sciam, lucem is liber aspexit. Si nobis propitius DEUS annuerit, breui extremam operi manum imponam. V. 10. Julii 1634.

Lucius plurimum saluere te iubet, vltimum quoque vale dixisset, si se tam vicinum morti crederet,

deret, quàm Medicus affirmat. ingens homini solatium fuerit, si me responso dignatus, vel vno verbo ipsi salutem asperferis.

Lingelshemius BERNEG-

GERO.

S. P.

QUas 10. Julii ad me dedisti recte reddidit mihi his diebus *Zieglerus* egregius Juuenis & tuarum virtutum prædicator. In summa es expectatione apud nostros, seruatur tibi locus in Academia, & mora molesta minus est, quod certo confidimus superaturum te difficultates omnes. Gaudeo te pergere in *Galileano* opere, placet institutum de addendis cæteris ejus argumenti. Ratisbona amissa mul-

tos perterret, sed constat hosti magno constituisse, vt vires ejus immensum debilitatæ sint. Cras jejunium ac preces publicæ institutæ in Palatinatu. In Domino confidimus, Ipsi te tuosque commendando. *Zieglero* datum munus Secretarii, præsertim in rebus Gallicis, is te salutat officiosè, vt & amici reliqui. Viuite felices. Heidelbergæ. 29. Jul. 1634.

Tam diuturnus & lentus morbus *Lucij* nostri me sollicitum habet, assidue de ipso cogito, & conditionem apud nos quæro. Salvere ipsum jubeo, omnesq; mei, ac valetudinem diligenter curare.

Berneg-

Berneggerus LINGELS-

HEMIO.

VIr Amplissime. Jam dies labitur 14. cum *Brederodia* matronarum honestissima in hanc urbem venit. cujus de aduentu etsi tempestiue mihi constitit: tamen quod propter pridianum excessum *Lucij* nostri, tristitia languerem, & per bidduum illud funebria curanda haberem, eandem officii causâ, vt par erat inuisere non potui. Tertio post die bis terve in diuersorio, quod corui gerit insigne, quæsiui ipsam, atque etiam aliquandiu præstolatus sum. frustra. postridie summo mane discessit, sic vt videndæ salutandæq; copiam nescio quæ mala fortuna subtraxerit. Si pauculis modò

D 4 horis

horis serius abiisset, & officio functurus & vnà missurus eram, quæ nunc demum submitto, in honorem defuncti Scriptorum exempla: quorum alterum Venatori nostro velim tradi, cui charum *Lucium* fuisse scio.

Pridie quam obiret, allatæ tuæ mihi sunt, in quarum calce dictam sibi à te tuisque salutem, nouissima voluptate, nec sine gemitu legit, & vt quàm amantissime vos nomine suo resalutarem, actisque gratiis de beneficiis sibi præstitis, vltimum vobis vale dicerem, oravit. Optime nunc cum ipso agitur, subtracto tot incommodis & afflictæ valetudinis, & concussi orbis &c.

Coepi scribere hanc epistolam, plusculos ante dies: sed varie impedi-

peditus, demum absolui 7. Sept.
1634.

Lingelshemius BERNEC-

GERO.

S. P.

VIr Clarissime & amicorum
candidissime. Commmercium
literarū intermissum aliquandiu
& quod nihil haberem nunciare,
quod tibi gratum aut jucundum
esse posset, & quod recensere mi-
serias nostras & desperationem de
Republica sine molestia fieri non
posset. Heidelberga nobis desc-
renda fuit, inde ruina vniuersi Pa-
latinatus, exercitus Suedicus pro-
fligatus clade Nordlingana omnē
regionem nostram exhausit, inde
hostis superueniens Arcem Pala-
D 5 tina-

tinatus aggressus est, ac subito vrbe occupata, arcem tormentis ferire pergit. Exercitus Gallicus ad Manhemium, hæc videt & audit, nec se tamen mouet. Suedi pergunt perdere populares, neque ad suppetias ferendas permoueri queunt. *Bernhardus Vinaiensis* spem aliquam facit, & Galli à Rege se mandata expectare ajunt. Hic cumulus malorum facit, vt de summa rerum spem pene abiiciamus. In DEUM tamen firma mihi fiducia. Filium tuum reducem tibi gratulor & ad præclara ipsum adhiberi gaudeo. Magno in his malis solatio mihi est, quod non inuolutus es nostris malis, ita dirigente DEO, vt impedimenta tibi immitteret, quo minus precipitareris

reris in mala nostra. • Mei omnes
 amantissime vos salutant, atque
 in mente ac sermone nostro estis
 assidue. Seruet vos Dominus. sal-
 veat imprimis filius, quem in be-
 nefactoribus meis habeo. Fran-
 cothaliæ 23. Nou. 1634.

Berneggerus LINGELS-
 HEMIO.

Vir amplissime. Accepi, curan-
 te *Glafero* nostro, suauissimas
 tuas literas vel γλυκυπίκρες potius,
 quas exeunte Nouembri Franco-
 thalia dedisti. Volupe fuit à longo
 satis interuallo videre & exoscu-
 lari, manum hominis, mortalium
 omnium animo meo charissimi.
 Fortuna vero illa, quam cum tuis
 D 6 indi-

indignissimam pateris, tanto me dolore afficit, vt minime possim vel in audiendo præstare, quam tu præstas in ferendo, constantiam. Sæpenumero vos præsentēs ac re-
duces optauimus, atq; etiamnum optamus, & si lubet hospitium offerimus, solatio nobis mutuo futuri.

Ex argumento tuarum animaduertere non possum, redditas tibi binas meas vltimas, in quarum alteris oraui, prospiceres nobis de viro idoneo, qui Scholæ Schafhusianæ præficeretur. Est mecum Scaphusianus patricius, *Stockerus*, in studiis melioribus longè diligentissimus, omnino egregius Iuuenis, quem præuideo magno patriæ ornamento futu-
rum

rum. Is autor mihi fuit, petitionem istam vt apud Te repetam. Cogitauī de viro longe optimo, doctissimoque *Schoppio* nostro: cui si persuaderes, admitteret vocationem illam, magno me, vel potius Rempublicam illam laudatissimam beneficio affecturus esses. *Hurteri* Scaphusiani Theologi ad me Epistolam hic habes, quam tamen remitti peto, & responsum a uide desidero. V. scr. τὰχιστα, cum typographicæ operæ de *Galilaicis* vrgerent, jam vltra medium excurrendo progressæ. Charitates tuæ à me meisque plurimum saluent. 13. Decembris 1634.

D 7 Ber.

Berneggerus LINGELS-
HEMIO.

Blnas meas jam ante menses
aliquot ad te scriptas interiisse
fidem fecit expectatissima episto-
la tua proxima, in qua nec ve-
stigium responsionis extat. Nunc
ne quidem nuperas meas in qui-
bus *Hurteri* Schafhusiani Theo-
logi erant inclusæ, recte curatas
esse, conjicio ex insolito silentio
tuo: nisi tamen aduersa valetudo
reuocat à scribendo. Schaphusia-
ni repetitis literis orarunt me,
prospicerem sibi de viro docto &
idoneo, qui scholam ipsorum re-
gat, seu potius collapsam erigat.
Cogitavi de Clarissimo *Schoppio*
nostro, qui rebus Palatinis affli-
ctis aut fluctuantibus, commo-
dum

dum isthic inueniret senectuti sue portum. Audio enim procures illius Reipublicæ miti esse ingenio & studiis valde fauente. Si tamen ille, quod libentius credo, melioribus patriæ & Academiæ vestræ temporibus se servare malit, nunquid alius alicujus copia in Palatinatu dari potest? Impudenter fecero, si tibi onus inquisitionis imponam. Sed hoc certe rogare audeo, digneris saltem per filios (quos amice saluto) nobis gratificari. Magnam à laudatissima illa Republica gratiam inibitis. Vale Vir Summe, Tui omnes, Venator imprimis (nam & hunc inter tuos numero) salueant officiosè à me meisque. Arg. 2 Jan. Anno 1635. quem vobis procedere faustissimum, animitus opto, Vester totus &c.

Berneggerus LINGELSH-
HEMIO.

Proximas tuas recte accepi,
quibus etsi tenuem spem facis
gratificandi Scaphusianis, non ta-
men omnem abjicimus: nec roga-
re desino (da veniam importuni-
tati) per tuos denuo, qua dabitur
occafio, cures inquiri. Discessus
inopinatus *Camerarii* poenitudi-
nem iniicit mihi, quod praesentis
alloquio & suauitate non sim usus
crebrius. Quanquam negligentia
commissum hoc est; sed quod suc-
cisivis horas omnes *Galileo* tri-
buere sum coactus, in quem plus
laboris, quam initio credideram,
impendendum fuit. Rogo ut egre-
gii viri & omnino tali patre & ta-
li pro patre dignissimi beneuolen-
tiam,

tiam, quantum potes, (potes autem plurimum) mihi serues & toveas. Nam ea tempora imminent, ut talibus patronis maximopere opus nobis fore præuideam. Is persuasit, ut *Galilaica* quæ hætenus excusa sunt, auderem tibi mittere, quod diceret te hoc misero patriæ statu, è lectione talium, quorum tu præcipue Judex es idoneus, aliquid leuamenti capturum. Venit in mentem versionem auctori ipsi inscribere, qui nuper amantissime ad me scripsit. Rogo ut & de hoc proposito, & quicquid præterea in rem facere videatur, iudicium mihi tuum aperias. Filius meus *Casparus*, cum ceteris meis, obseruantissime te tuosque salutat, & proxima occasione scripturum pollicetur. V. 26. Jan. 1635.

Lingels-

Lingelsheimius BER-
NEGGERO.

S. P.

A Micorum candidissime. Tandem post longas moras à *Schoppio* accepi litteras quas mitto, vt mentem hominis melius cognoscas. Reiiicit penitus conditionem oblatam, interea inquisiui apud nostros, an reperiri possit aliquis idoneus, & sunt sane inopes complures, sed nullus oblatum instructus dotibus quæ requiruntur. Nostræ res penitus deploratæ. Gallicus exercitus nihil adhuc præstat eorum quæ pollicebatur, interea quidquid restat succi in exhausta regione, penitus absumit. &c. Votis omnibus expetimus Electoris nostri aduentum

tum, sed & ejus nulla propemodum spes superest. Anglo & Arau-
sionensi id dissuadentibus. Salu-
tat vos omnes, tota domus mea.
Valete felicissime. Francothalix
20. Febr. 1635.

Lingelshemius BERNEG-

GERO.

S.P.

A Micorum desideratissime.
Quas ad me dedisti 26. Jan.
per insignem virum *Camerarium*,
cas Wormatiæ dedit mihi mitten-
das; quum dubitaret quando huc
venturus esset, sed antequam mi-
hi redderentur tuæ, ipse me con-
venit, & gratissimo nuntio tuæ
prosperitatis & in me affectus bea-
vit. Paulo post redditæ sunt mihi
tuæ,

tuæ, sed in fasce de *Gallilaanis* nil inerat quam vltima pars operis cum Epistola *Foscarini* & operis indice, vna cum frontispicio & imagine authoris, quid de reliquo factum sit, non possum conjectura assequi, nisi forte famulus *Camerarij* non integrum fascem mihi deferendum tradidit, neque fascis obsignatus erat.

Maxima cum voluptate legi *Foscarini* epistolam magno iudicio scriptam. Vincet veritas.

De dedicatione operis, sequere tuum consilium. ego quid suadeam non habeo, ignarus an ferre possit publicum assatum, qui revocare & condemnare coactus fuit opus immortalitate dignissimum. Tu certe optime mereris de literis, qui tot labores exantlaris,

ris, non sine inuidia hostium veritatis. *Camerarius* cum suo patrono Cancellario Suedico per Galliam abiit, conuenturus, ut ait, Saxonem, ad quem tutò peruenire non confidit, sine tot ambagibus.

De Scaphusiano munere non abjeci curam, ex quo *Schoppius* tam rusticè rejecit, locutus sum cum multis quibus literæ sunt curæ, sed nihil dum mihi extricatum, paucissimi reperiuntur istis dotibus instructi, quæ requiruntur, & qui ex Palatinis jam sedibus suis pulsi sunt, malunt perferre mala & expectare secundiora, quam sedes tam optatas relinquere: non desinam porro inuestigare. Sed quas ego grates tibi dicam de constanti tua in me voluntate, qui me par-

tici-

ticipem facere pergis eorum, quibus maxime afficior, ægre mihi est, quod nihil habeam quod reponam. Hæc ditio ad extremam inopiam redigitur, partim ab hoste occupata, partim à milite proteruo expilata hostiliter, neque dum finis. In DEO solo fiducia nostra, certè humana omnia diffluunt, neque supersunt ad gerendum bellum necessaria. *Bernardus* Wimariensis, ducatum summum in se recepit, ejus copiis adjunxerunt Galli XII. millia peditum, quibus hæc vicinia ab hoste vindicetur. Interea vrbs Treuiorum intercepta noua nobis pericula minatur, & consilia gerendæ rei perturbat. Ego in malis illis publicis subinde morbis & cruciatibus infestor & exhaurior, ecquan-

quando erit finis malorum? Sed
 ego querelis te obtundo, quod
 alioqui sollicito vito. Vale cum
 tuis carissimis pignoribus. Salueat
Casparus, quem pro filio diligo.
 Francothal. 25. Mart. 1635.

Lingelsheimius BERNEG-
 GERO.
 S. P.

Vir Clarissime, atq; amice can-
 didissime. Breues quidem,
 sed amore ardentes literulae tuae
 30. Octobr. datae, de hospitio obla-
 to gratias ago maximas, Incertus
 adhuc consilii: Asseuerat nobis
 pro certo, qui Hispani nomine,
 rogatu Angli, custodiendam hanc
 urbem pro Angliae Regis Sorore
 suscepit *Andreas Contreras*, explo-
 ratum

ratum sibi esse, statuisse Cæsarem,
 Principibus Palatinis restituere
 ditiones Rhenanas, idque fore an-
 te hujus anni exitum: si id fit,
 subsistere potero domi meæ, quā-
 vis miserè ab hostibus acceptæ, &
 fortunis omnibus amissis. Cæ-
 sarem ajunt pacem seriò expetere,
 ac apud Gallum jam id egisse Ma-
 gistrum Teutonicum Stadionem.
 Exercitus Cæsaris in Lotharingia
 inutilis factus, accersiti Poloni,
 qui jam in itinere, non tam vt ful-
 ciant, quam vt fama aucti exerci-
 tus novis copiis, conditiones Pa-
 cis æquiores obtineat. Ajunt &
 Cancellarium Suedicum cum ex-
 ercitu ingenti Saxonix imminere,
 exhausta autem pœnè tota Ger-
 mania, non amplius videtur esse
 ferendo oneri. Sed hæc diuinitus
 speran-

speranda. Hic ingens caritas est rerum omnium, & lues grauissimè sæuit, ego tamen expecto, quo DEUS viam mihi monstrat. *Schoppius* noster Heidelbergæ omnibus suis fortunis exutus, in summa vivit inopia, subleuamus ipsum hinc qua possumus. Te DEUS tuosque seruet incolumes. Valete carissima capita à nobis omnibus. Francothalia 6. Nou. 1635.

Lingelsheimius BERNEG-
GERO.

S. P.

A Micorum Candidissime. Statim vt tuæ 13. Decembris mihi redditæ fuerunt, literas dedi ad *Schoppium* nostrum Heidelbergam reuersum paulò ante. Sed Rhenus
E pro-

propter glaciem trajici non potuit, ideoque meæ mihi domum reportatæ, iis inserueram *Hirteri* ad te, quas jam recipies his insertas. *Schopio* alia occasione significabo desiderium vestrum. De alio aliquo functioni Schafhusianæ idoneo, nihil hætenus indagare potui. Res nostræ sunt afflictissimæ. Heidelbergam tamen ope exercitus Gallici jam iterum erepta hostibus. Saxo cum Cæsare pacem fecit, ad eam aditus patet, cæteris Protestantibus, si velint, in eum finem conuentus rursus Wormatiam indictus in X. Jan. Capita pacis nondum habemus. Ædes meæ Heidelb. pejus quam hætenus ab hoste habitæ & expilatæ, nec video quando domum reuerti possimus. Elector *Carolus*
Ludo-

Ludovicus Kal. noui anni attigit annum 18. ætatis, & ex testamento paterno administrationi idoneus habetur. quando venturus sit, nondum constat. Gaudco in *Galileanis* tam gnauiter vos pergere. Bonum factum. De oblato tam amanter hospitio gratias habeo toto pectore. & tua mihi consuetudo supra omnia solatia. Spero meliora de rebus nostris quamvis perditissimis. Salueat tota familia tua. Sed quid filius tuus, cur nulla ejus mentio in literis vestris? Salueat & ille solatio futurus suis. Valete felicissime. Francothalia 29.Xbris 1535.

Lingelsheimius BERNEG-

GERO.

S. P.

DEcus meum. Flagitium
meum agnosco, quod tantō
tempore nihil ad te literarium de-
derim, sed quoties scribere ad te
cogito, nihil occurrit, quod tibi
cognitu jucundum aut gratum es-
se possit, querelis autem & lamen-
tis te obtundere non conuenit.
Scito autem nihil de meo in te ar-
dore deminutum, creber cum filia
mea *Kunigunda* ac minoribus me-
is filiis, qui mihi adsunt, de vobis
sermo, & vota seria pro vestra in-
columitaate. Sed certa spes nec-
dum affulget meliorum tempo-
rum. Ad pacem omnia spectare
quidem jactantur, sed hactenus
vane.

vane. Premimur hic grauissimè,
 neque hinc effugium patet, neque
 constat, quo refugium capiamus,
 itineribus infestis. Interea me-
 ditationibus sacris ac lectione a-
 nimum pascō, & me Diuinæ Pro-
 videntię permitto. Valetudine
 jam vtor secundiore per DEI gra-
 tiam. Ceterum infesta omnia, ne-
 que amicorum quisquam qui mi-
 hi solatio sit. Mihi ac DEO vi-
 vere studeo. Sed inanibus te ob-
 tundo, coram frui suauissimo tuo
 conuietū assidue mihi in votis.
 Seruet Te tuosq, Dominus. Scri-
 be quæso, quid sub manibus ha-
 beas, profuturum publicè. Scio
 ingenium tuum non posse torpe-
 re. Vale quam beatissimè Alter
 ego. Francothalia 26. Febr. 1636.

E 3 Ber-

Berneggerus LINGELS-
HEMIO.

VIr Amplissime, mi Pater. Simul & jucundissimæ & peracerbæ mihi fuerunt literæ tuæ, quas 26. Febr. scriptas *Glaferus* noster mihi reddidit. Nam & dulcissimam manum illam tuam, à longo tempore non visam, exosculatus sum: & vero vehementer indolui miseriis vestris: ita tamen ut ex illa **CONSTANTIA** quā spirant literæ tuæ, & quam in omni vita, omni fortuna, præstitam hætenus, exuere non potes, plurimum & solatii capiam & documenti. Quanquam ad exemplum illud tuum non nisi à longo interuallo, reptabundus quasi me compono. Nec enim dissimulo, nostro rerum
statu

statu, qui vestro tamen haud paulo tolerabilior est, ita me frangi animo atque debilitari ut vix erigere me, nec vel ex ipsis studiis, animi pabulo, solitæ voluptatis aliquid capere possim. Quanto magis exopto, Te veteribus hic amicis, idem summoperè cupientibus, ut restituas, ac meam infirmitatem exemplo præsentis, salubriumq; colloquiorum suauitate, ut antehac solitus es, porro iuues, Nos Tui illi nihil rerum necessariarum, quantum quidem in potestate nostra situm est, deesse Tibi patiemur. Videsis quid *Gothofredus* Lutetia scripserit ad filium meum, de *Cameraria* sorore sua: cui, nisi graue est, indica (nam isthic agit, ut audio) *Comorellum* mercatorem nostratem à me de pecuniis illis

appellatum promississe, se illas cui-
cunque bona fide poscenti nume-
raturum statim, significabit ergo
quid fieri velit. *Galilæi* systema
Copernicanum, una cum Apolo-
getico nuper hic excuso, faxo ha-
beas per nostrates, ad Mercatum
Francof. ituros: vel potius (ita
confido) præsens dabo præsentī.
Vale Vir Magne, præsidium de-
cusque nostrum incomparabile,
& cum tuis à me ac meis iterum
iterumque salve. 11. Martii 1636.

Lingelshemius BERNEG-

GERO.

S. P.

V Ir Clarissime, Amice Candi-
dissime. Ex literulis tuis ad
Camerariam intellexi te ad me
scripsisse, verum nihil dum mihi
reddi-

redditum, itaq; cogitabis cui tuas commiseris. *Cameraria* te officiosè salutat, gratias agit de opera tua tam sedula ; sed pecuniam quam frater suis assignauit, non vult huc transferri, sed à mercatore retineri, donec aliud mandet. Incerta plane est, vbi sedem sibi quærere velit. Ampliissimus *Brederodius* Basileam proficiscitur, vbi tutum iter concedetur, quod sperant fore, quia Cæsareanus exercitus omnis in istis partibus iubetur in Italiam festinare, Mediolano liberando, quod Galli invadunt. Spiram aduenit *Keefenhullerus* Cæsareus Legatus, cum mandatis, vt ajunt, restituendi Palatinatus. exspectatur ex Anglia, qui in Itinere. Hispanus à Cæsare id obtinuit, cui Anglia vi-

cissim spondet, hostile nihil contra Hispanum agere. Itaq; spes propinquior nobis affulget, sed toties delusi, metuimus porro fraudes. Ingens me desiderium tenet, cognoscendi de tuis rebus, & tuorum prosperitate. nam in literis quas subinde à *Glaferis* accipio, nulla tui aut de tuis mentio. Sed vestri memoria apud nos viget & subinde vota pro vobis facimus: Imprimis aueo scire, quid in literis pares, & quid fiat de *Galileanis*, num exemplaria distrahantur. Ego hic in Scytarum eremiā, nihil de literis aut libris audio. Tu vero mihi instar omnium viue & vale nostri memor. Francothaliæ.
25. Martii 1636.

Lingels-

Lingelshemius BERNEG-

G E R O.

S. P.

DEcus meum. Ingentes tibi gratias habeo, pro *Galileo* tuo, quem integrum mihi Spira misit nepos meus *Mullerus*. Sed non intelligo quomodo nullæ tuæ in illo fasce comparuerint abs te literæ, quarum maximo teneor desiderio. totus jam sum in lectione admirandi ejus operis, quo indies magis magisque capior, & tibi ingentes gratias publice debere profiteor, quod tanto dono nos bearis. Sed autor ipse nihil adhuc protulit, quo tuum studium & operam deprædicet. Quoties in votis es mihi, ut tecum colloqui de iis, quæ minus assequor

E 6 possim

possim? Sed & absque hoc creber
 mihi de te & virtutibus tuis ser-
 mo, & *Kunigunda* mea familiam
 tuam sincere amat. O quando me-
 liora dabuntur tempora! Sed pax
 refugere videtur, quam vndique
 futuram breui jactant. Istis quas
 suggessisti meditationibus, obli-
 uionem nostrorum malorum in-
 duco, & euentum turbarum istarū
 DE O permitto. Is Te tuamq; to-
 tam familiam conseruet incolu-
 mes. Vtinam occasio mihi præbe-
 atur, factis ostendendi, quanti
 tuum hoc beneficium faciam.
 Francoth. pr. Cal. Aprilis 1636.

Berneggerus GALILÆO

GALILÆI.

V Ir incomparabilis & eminenti-
 ssime. Systema tuum Co-
 perni-

pernicanum *Elias Diodatus*, inclyti tui nominis admirator, Parisiis non ita pridem ad me misit, auctorque mihi fuit, vt illud latine conuerterem, quò tam pretiosum opus, sed Italiæ soli scriptum, cum orbe Europæo cetero quoq; communicaretur. Etsi verò cum tenuitatis mihi met meæ conscius, tum aliis officii publici laboribus districtus, prouinciam hanc subterfugere forte debui: lubens tamen eam in me recepi, maxime quod significasset mihi *Diodatus*, libri tui de proportionum instrumento conuersionem ante 20. circiter annos à me confectam; & paucis abhinc annis in manus tuas forte delatam, Tibi non displicuisse. Spem itaque concepi, in hoc etiam vtilissimo opere me fa-

tisfacturum aliququaliter expecta-
 tioni tuæ, & per hanc hyemem
 opus absoluturum. Jam aliquo
 vsque progressus sum. cujus rei
 testis oculatus est, qui tibi reue-
 renter hanc epistolam exhibebit
 vir præstantissimus Dn. *Benjamin
 Engelke* Dantiscanus, qui pro sin-
 gulari sua, clarissima quæque co-
 gnoscendi cupiditate, nunc Ita-
 liam Orbis Reginam ac te cum-
 primis, non Italiæ modo tuæ, sed
 orbis quem immortalibus tuis
 scriptis illustrasti, lucidissimum si-
 dus coram intueri desiderat. Huic
 &c. 30. Sept. 1633.

Perillustri & Excell.^{mo} Viro

MATTHIÆ BERNEGGERO

Galilaus de Galilaïs.

S. P. D.

SI nostros vultus & corporis speciem ab egregio Pictore exprimi libenter aspicimus, atque honoris loco habemus; quanto jucundius atque honorificentius esse debet, si non oris figuram, non corporis simulacrum, id est nostrę imaginis imaginem, sed animi sensa, mentis habitus, nostrique intelligentiæ simulacra, id est plane nos ipsos, à præstantissimo artifice studiose representari videamus? Nemo itaque me jure reprehendat si magnam percipio voluptatem, & jam me aliquid esse puto, ex quo inaudii meas Philosophicas

cas

cas lucubrationes, quas postremò
 in publicum Hetrusca scriptione
 emisi, à te Doctissime *Berneggere*,
 latinæ elegantix coloribus, soler-
 tissimè referri. Tua vero hac ope-
 ra effectum iri auguror, vt me o-
 mnis posteritas non modo, qualis
 ingenio fui, possit contemplari,
 sed & supra quam merui admirari:
 nam tuum artificium hoc pollice-
 tur, vt citra similitudinis detri-
 mentum me pulchriorem quam
 sum ostendas, & imitatus *Apel-
 lem*, qui *Antigoni* faciem altero
 tantum latere ostendit, vt amissi
 oculi deformitas occultaretur, tu
 quoque si quid in me mutilum vel
 deforme offendes, ab ea parte con-
 vertas qua speciosius apparebit.
 Hanc mei ornandi occasionem,
 quam nullo meo officio prouoca-
 tus

tus tam amanter vltro arripuisti, percupio sane luculenta aliqua gratitudinis significatione remunerari, sed vt nunc tempora fortunæque meæ sunt, non possum tibi nisi hanc ipsam cupiditatem exhibere, & sic è longinquo tuam illam mihi carissimam manum, qua nostris laudibus allaboras, ex animo dissuaviari. Ceterum dejerare liquidò possum, post tot turbas & corporis animique vexationes, quas mihi pepererunt primum studia ipsa quæ radices artium amaræ sunt, deinde studiorum fructus, qui multo ipsis radicibus amariores fuerunt, hoc tuo erga me studio nullum mihi majus solatium contigisse. Etenim (ne sis nescius) liber hic quem tanti putas, vt exornes, vix famæ lucem

lucem adspexit, cum mihi subito
 obortis inuidiæ tenebris triste in-
 horruit cælum, & sensi circa me
 fragoribus omnia quati, nec so-
 lum tela manu facta in me con-
 torta sunt, sed cælesti etiam fulmi-
 ne afflatus atque ambustus, non-
 dum plane sordes & vincula euasi,
 sed adhuc cathenam traho in mei
 prædii suburbani circumscriptas
 angustias relegatus: non tamen his
 angustiiis eliditur aut contrahitur
 animus quo liberas viroque di-
 gnas cogitationes semper agito &
 ruris angustam hanc solitudinem
 qua circumcludor, tanquam mihi
 profuturam, æquo animo fero,
 cum enim meæ jam deuexæ ætati
 mors appropinquet, fortius ad il-
 lam accessero, si me paulatim in-
 suefecero à paucis agri iugeris ad
 tres

tres vlnas sepulchri, in quo non
 vna cū corpore nostrū No-
 men sepelietur; sed modò tu me
 ornare pergas, orbem vniuersum
 me fama excursurum, & modo
 DEUS hanc animi tranquillita-
 tem mihi perpetuam faciat, ani-
 mo quoque me semper beata li-
 bertate fruiturum confido. Vale
 ex Arcetrii Rusculo meo. XVII.
 Cal. Aug. 1634.

Gallileus BERNEG-

GERO.

SOno alcuni mesi, che il nostro
 S. M. Ill. & officiosissimo S. *Elia*
Diodati mi significò il desiderio
 di V. S. M. I. di hauere i vestri per
 vn Telescopio, & che uscissero
 delle mie mani: non mancai di
 applicarini subito à mettergli all'
 ordi-

ordine per seruirla : non molto dopò il med.^{mo} S. *Elia* mi auuisò della difficoltà e pericolo del trasferir anco vnna semplice tra da Parigi (doue pensano d' inuiare i vetri) ad Argentina: onde io sospesi il mandargli là, & staua aspettando qualche occasione sicura, se però sicura se ne trouare in questi vniuersali tumulti. Auuenne aleune settimane fà, che che mi comparse vne lettera scritta mi dal S. *Beniamini Angeli*, il quale parte di V.S. mi domandaua vn Telescopio, cioè, non solamente i vetri, ma il cannone ancora, il quale perche vā longo piu di 2. 61^a. e periculoso, se non impossibile a condur lo per tanta strada. In tanto mi è soppraggiunto il S. *Lod.^{co} Elzeuirio*, e di qui passò a

Ye.

Venezia, doue si trattione ancora, & fra 15. giorni partirà per la patria, e come mi ha fatto intendere, se fara la strada per Germania, come desidera, porterà i vetri a V. S. i quali oggi inuio a Venezia, acciò gli siano consegnati insieme con questa e caso che egli non passasse per Alemagna, i vetri, e questa saranno consegnati al S. *Beniamino*, si che spero, che per l'vna o per l'atra via saranno recapitati in mano di V.S.

Io hebbi, circa 3. mesi fà, il primo foglio della mia scrittura tradotta e stampata; e vltimamente ho riceuuto del med.^{mo} il frontespicio con le 2. lettere, che mi sò piaciute assai, e ne starò aspettando vn exemplare intero, desiderato grandemente da tutti i miei amici,

amici, come con affetto contrario e per esser veduto da gl'ostinati, & implacabili miei nimici. Jo non dubito, che trasmettendone in Italia, harebbe grand' esito, come anco l'uso del mio compasso, che gia molti anni sono V. S. si compiaque di far latino, & illustrare con molte sue aggiunte, del quale officio io mi son tenuto sempre molto onorato, & obligato à V. S. questo hà grand.^{ma} chiesta, e giornalmente se ne fanno copie manuscritte, non si trouando piu nissuno di quelli, che gia feci stampare io, si come non si trouan piu nessuna altera dell' opere mie stampate: e se il S. *Elzeuero* le stamperà tutte in un sol volume, comme mi pare che habbia intenzione, spero che il suo utile non sarebbe minore del

re del mio onore: egli porterà seco per stamparlo un altro mio dialogo contenente due nuoue scienze intorno al moto, e intorno alle resistenze dei solidi all' essere spezzati, & insieme alcune altre cose Geometriche: lequali composizioni sone la ricolta piu stimata da me degli studii di tutta la mia vita. Quando io sia uscito di questa impresa, voglio (se mi auanzera vita) andar mettendo per ordine una mano di problemi naturali, & matematici, che spero saranno assai curiosi per la nouità delle contemplazioni. Jo S. *Mat.* vorrei poter restringere in breue compendio il molto, che harci in animo di dire à V. M. S. I. per rappresentargli, quanto io son conoscitore de gl' obblighi infini-

ti, che gli tengo, e quali e quanti
 siano le grazie, che io gle ne ren-
 do, e quanta sia la prontezza in
 me di seruir la in tutto quello,
 doue le mie deboli forze arriua-
 ssero: la supplico a farne proua
 con l'onorar mi di suoi coman-
 damenti da me con ansietà desi-
 derati, e qui con affetto cordialis-
 simo la riuerisco.

D.V.S.M.I.

Dalla villa d' Arcetri li 15.
 di Luglio 1636.

Parat. mò & Oblig. mò Ser. re

GALILÆO GALILÆI.

Redd. 23. Nouembr. 1636.

Berneggerus GALILÆO.

CVnctationis meæ, quanquam
 non tam à negligentia quam
 reue-

à reuerentia profectæ, cum scilicet
 inclyti nominis tui maiestate per-
 cussus atq; tenuitatis meæ consci-
 us audaciam ad tantum virorum
 scribendi sumere formido, grauis
 profecto pœna nunc mihi penden-
 da est, respondendi necessitate in
 illum temporis articulum usq; di-
 lata, quo minime omnium sum ad
 scribendum idoneus. Jam inde us-
 que à superioris Anni Calendis
 Octobribus acerrimis primo do-
 loribus arthritidis, deinde cum hi
 desiissent perpetua crurum debi-
 litate aliisque symptomatibus a-
 nimi corporisque prostratæ vires
 Musarum omni commercio ex-
 cluserunt, cum quibus necdum in
 gratiam ex integro redire licuit.
 Allatæ sunt interim à longo pu-
 dendî mei silentii interuallo alte-

ræ tuæ literæ ; illæ quidem ex
 naufragio nonnihil madore cor-
 ruptæ nec lectu satis expeditæ, ce-
 terum incredibilem spirantes hu-
 manitatem , qua virtute , vt in-
 clyta Natio vestra in aliis plerisq; ,
 sic tu in ipsa Natione tua pluri-
 mum excellis : & quod caput est
 onustæ munere crySTALLORUM te-
 lescopii tui acceptissimo. quo ni-
 si pertinacia silentii tandem expu-
 gnetur , leui forte crimini rustici
 pudoris grauissimum ingrati ani-
 mi scelus adjecisse videbor. Gra-
 tias itaque, quas muneris & per se
 magnum pretium , & ex dantis a-
 nimo beneuolo majus adhuc red-
 ditum postulat , ago longe maxi-
 mas, amplioribus acturus verbis,
 atque etiam de vsu nobilissimi
 Instrumenti , si permittis aliqua
 quæ-

quæsiturus, ut primum DEI & Medicorum adjutus ope valuero rectius. Interim mitto & *Schikardi* τῆ μακαρίτη parentationem & pridem à me confectum indicem eorum locorum systematis in quibus conuertendis hæsitavi vel etiam erravi. Velim, nisi graue est, de singulis explices sententiam tuam, ut saltem secunda editio, nam melioribus temporibus prodituram sperare fas est, prodeat emendatior & *Galileo* dignior. DEUS tibi, Diuine Senex, longam tranquillamque vitam largiatur, ut superstes sis inimicis tuis, superstes calamitatibus publicis, quæ miserabilem in modum tot per annos orbem nostrum concutiunt lancinantque. V. $\frac{1}{17}$. Jan. 1637.

Jo. Saubertus M. BER-
NEGGERO.

TU vero, Vir Excellentissime,
quæ tua est humanitas, igno-
tam hanc manum non male inter-
pretaberis, scio. Urget eam Parens
Adolescentis, τὸ γεγραμμένοφόν, mer-
cator apud nos primarius, Famæ
tuæ mecum amantissimus. Nimi-
rum seriò is rogat, vt nomine suo
& cum salute plurimâ, pararius
ad te esse velim Filio, propius ad
bencuolentiam tuam accedere
gestienti : Id quod breuiter qui-
dem sed affectu tamen prolixo ex-
pedire hîc me scias : etiam cum
promissione animi gratissimi. de
Nostræ yrbis statu non est nunc
quod scribam, nisi vnum istud,
tempestatē imminere nobis hinc
inde

inde grauiſſimam : adeò quidem,
 vt , ſi centum euoces , Heracli-
 tos , iis omnibus locuples hodie
 apud nos materia ſuppetat. At
 quid Heraclitos dico ? Abraha-
 mos volebam , qui nobiſcum pu-
 ra & liquenti fide DEUM rogent,
 vt ſcœnam malam clementer à cer-
 vicibus noſtris depellat: in quo vo-
 to deſino. Cœtera enim *Heugeliuſ*
 noſter coram exponet. Tu, Vir
 Magne, toti Reipubl. literariæ fe-
 liciter ac diu vale ! Dabam Nori-
 bergæ ὡς τάχιστα poſtrid. Cal. Junii
 A.æræ Dionyſ, clb lbc XXXIII.

Saubertuſ BERNEG-
 GERO.

AMpliuſ biennium eſt , cum
 cœpi te ſalutare, Vir Nobiliſ
 & Excellentiffime, & quidem non

F 3 invi-

inuitum, si recte memini: Quod incitamento mihi interea fuit, vt & istas nunc adderem. Nec deest causa, quam pro insigni tuo affectu erga studiosos adolescentes, bene interpretaberis, scio. Viuit nobiscum vidua Nobilis & maximè pia, mater τῆς γενναίας φιλοφρονίας, FETZERI, Themidi apud vos litantis. Illius rogatu rogo, vt ne graueris, consilio iuuare iuuenem, si forte eo indiguerit. Rem etiam gratissimam & matri & mihi: Qualem ob causam adhuc me profiteor obligatum, quod *Paulo Heugelio* omnia humanitatis officia tam facile quondam à T. Ampl. impetrauerim, etsi is ipse occasione illam exoptatissimam non satis agnouerit. Nunc demum agnoscit, vbi cæpit cum Phry-

Phrygibus sapere. Rediit hac septimana ad nos ex Belgio per multa rerum discrimina. Quæ sit rerum nostrarum facies, aliunde jam rescivisti. Misere habent omnia in vrbe, solo *Palladio* Religionis excepto. De Pace publica multi multa, sed nondum certa referunt. &c. Finio ne in publica tua peccem. Valeat T. A. *μην. 1507.* Dabam propere Noribergæ. a. d. Aprilis. A. C. 1635.

Saubertus BERNEG-
GERO.

DEnuo me impudentem, imò in occupationes tuas fere injurium admittas, quæso, Vir Amplissime, cum animus sit, literarum breuitate expiare culpam. In

Superioribus meis , ante menses aliquot datis , vehementer etiam atque etiam rogavi , vt *Fetzerum* nostrum commendatum tibi haberet : Eas autem intercidisse & *Dilherry* alias adjunctas , jam demum resciuimus. Repeto igitur hic desiderium meum , animo erga iuuenem , Matremque ipsius optimam valde prolixo. Auxeris etiam beneficium illud , si vel tribus verbis de ejusdem studiis certior per te fieri possim. *Hengeli*us , de quo olim non minus sollicitus fui , nuptias hac septimana cum vidua Mercatoris celebrauit , satis vt speramus felices. Pace nostra intuti hodieque sumus & variis difficultatibus obnoxii : neque emergemus facile,
nisi

nisi quies reddita sit Germaniæ vniuersæ.

*Interim & heu! fratres inter se
prælia miscent.*

Id quod dudum voluere, qui commune exitium quærunt. Cæterum Viuit adhuc DEUS cuius clementiæ Te cum tota Domo meis committo precibus, atque adeo vale felicissime. Dab. prope-
re. Dom. XXI. p. F. Trin. A. 1635.

Berneggerus SAU-


BERTO.

S. P. D.

REddidit mihi, Reuerende plurimum & excellentissime vir, humanissimas litteras *Fetzerus* noster, is ipse cuius de moribus & studiis

studiis ex me cognoscere desideras. Quæ res hoc mihi gratior accidit, quod & fouendæ veteris in me beneuolentiæ tuæ (quam diuturno silentio nihil passam detrimenti gaudeo) & læto vos nuntio, quod tamen aliunde pridem accipere potuistis, exhilarandi, præbita mihi sic esset occasio. Bene profecto facit optima mater, quod in suum illum inquirat, gnara temporum, gnara fortassis etiam exemplorum vestrarium. Ut ingenii felicitate Norici censentur alios antecellere: sic in tam fertili agro plusquam in sterilibus aliis Zizaniarum inueniri, mirandum non est. Sed meo nomine meaq; fide jubeas velim ipsam esse de suo securam. Potest vel
hoc

hoc vnum ad sollicitudinem eximendam sufficere, quod D. *Bitschius* eum suo contubernio dignum censuit, cuius viri Sanctissimi penates neminem malum admittunt, aut admissum ferunt. Non omisi tamen, quando sic voluisti, de vestro illo quærere obiter ex ipso hospite, & per meos, etiam ex domesticis ejus. qui omnes honestissimum egregiæ pietatis, probitatis, modestiæ, in studiis quoque summæ diligentiae testimonium ipsi exhibent. Ceterum de publico statu nostro nec scribere tutum satis est: & alioquin etiam à talibus vel cogitandis necdum scribentis abhorret animus. Vale, Virorum egregie, & me porrò, quod facis, beneuolentia complectere. 29. Nouemb. 1635.









Handwritten text in a cursive script, likely from a 17th or 18th-century manuscript. The text is written in dark ink on aged, yellowish paper. The script is dense and flowing, with many ligatures and flourishes. The text is arranged in approximately 25 lines, filling most of the page. The ink is somewhat faded in places, and the paper shows signs of wear and discoloration. The overall appearance is that of a historical document or letter.



